



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

**Sumáriu Kazu**  
**Tribunál Distritál Oekusi**  
**Períodu Setembru 2018**

**Afirmasaun:** Sumáriu Kazu tuirmai ne'e deskreve faktu sira no prosesu iha tribunál tuir JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la reprezenta JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru feto no ema vulneravel. JSMP afirma la iha justifikasaun ba violénsia hasoru feto.

**A. Sumáriu prosesu julgamentu kazu iha Tribunál Distritál Oekusi**

**1. Totál kazu ne'ebé JSMP monitoriza: 11**

Tipu kazu	Tipu kazu	Númeru
Artigu 154 Kódigu Penál (KP)	Maus tratus ba kónjuje	1
Artigu 171, 176, 181, 145 no Artigu 157 (KP)	Koasaun seksuál, pornografia infantil, ezibisionismu seksuál, ofensa ba integridade fízika simples no krime ameasa	1
Artigu 316 (KP)	Kontrabandu	5
Artigu 252 (KP)	Furtu agravadu	1
Artigu 316, 211 (KP)	Kontrabandu no krime arma proibida	1
Artigu 252, 271 (KP)	Furtu agravadu no krime reseptasaun simples	1
Artigu 145 (KP)	Ofensa ba integridade fízika simples	1
<b>Totál</b>	<b>11</b>	<b>11</b>

**2. Totál desizaun ne'ebé JSMP monitoriza : 1\***

\* Sumariu kazu ne'e prodús volume desizaun ne'ebé kiik loos tanba iha semana dahuluk no daruak, Tribunál Distritál Oekusi (TDO) sei kontinua iha feriadu judisiariu nia laran. Tribunal sira inklui TDO foin mak hahú fali atividade normal iha semana datuluk iha fulan Setembru 2018, maibé la iha agenda julgamentu tanba Juis Administrador TDO partisipa hela konferensia ida iha Brazil. Tribunál foin marka agenda ba julgamentu iha semana dahaat dia 25 Setembru 2018.

<b>Tipu desizaun</b>	<b>Númeru</b>
Omologa dezisténsia keixa	1
<b>Totál</b>	<b>1</b>

**3. Total kazu sira ne'ebé adia tuir JSMP nia monitorizasaun : 2**

<b>Razaun adiamentu</b>	<b>Númeru</b>
Arguidu la marka prezensa	2
<b>Totál</b>	<b>2</b>

**4. Totál kazu ne'ebé sei kontinua prosesu tuir JSMP nia monitorizasaun: 8**

**B. Deskripsaun sumáriu julgamentu ba desizaun kazu sira<sup>†</sup>**

**1. Krime ofensa ba integridade fízika simples**

Nú. Prosesu : 0002/18.OEBCN  
 Kompozisaun Tribunál : Singulár  
 Juis : Dr. João Ribeiro  
 Prokuradór : Dr. Mateus Nesi  
 Defeza : Dr. Marcelino Marques Coro  
 Tipu pena : Omologa pedidu dezisténsia keixa

Iha 24 Setembru 2018, Tribunál Distritál Oekusi prezide julgamentu tentativa konsiliaun ba krime ofensa ba integridade fízika simples ne'ebé envolve arguida Maria Sufa Quebo hasoru lezadu Octaviano Caet (Tinan 10), iha Suku Beneufe Sub-distritu Nitibe, Distritu Oekusi.

**Akuzasaun Prokuradór**

Prokuradór akuza katak iha 09 Janeiru 2018, maisumenus iha tuku 14.00 lokraik, arguida uza katana nia knuk baku dala ida iha lezadu nia kanotak sorin karuk, dala ida iha lezada nia liman sikun sorin karuk. Arguidu kontinua baku dala ida iha lezada nia kabaas sorin karuk no baku dala ida iha lezada nia ulun. Kazu ne'e akontese tanba lezadu ho arguida nia oan baku malu, nune'e arguida komete aktu ne'e hasoru lezadu. Kazu ne'e anexa mós ho relatóriu médiku husi Centru Saude Baocnana no fotografia husi Polisia-VPU.

Prokuradór akuza arguida kontra artigu 145 Kódigu Penál kona-ba krime ofensa ba integridade fízika simples ho moldura penál too tinan 3 ka multa.

---

**Produsaun ba prova sira**

Tanba krime ne'e konsidera hanesan krime semi públiku, nune'e bazeia ba artigu 262 Kódigu Prosesu Penál kona-ba tentativa ba konsiliasaun, antes tama ba julgamentu produsaun ba prova, juis husu atu halo tentativa konsiliasaun ba arguida no lezadu.

Iha prosesu konsiliasaun ne'e, arguida deklara katak arrepende ona ninia hahalok no promete sei la komete tan krime hanesan haoru lezadu iha futuru. Lezadu konkorda ho pedidu ne'e no husu ba tribunál atu deziste ninia-keixa hasoru arguida.

**Alegasaun final**

Prokuradór no defeza apresia akordu dame ne'ebé parte rua decide ona no husu ba Tribunál atu omologa prosesu ne'e.

**Desizaun**

Bazeia ba akordu hosi parte rua no pedidu dezisténsia hosi lezadu, tribunál konklui prosesu ne'e no omologa akordu dame entre parte sira.

Atu hetan informasaun kompleitu, favor kontaktu:

Luis de Oliveira Sampaio  
Diretór Ezekutivu JSMP  
Diresaun e-mail: [luis@jsmp.tl](mailto:luis@jsmp.tl)